



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Iudaei Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Caput .V. Quod Iudaei decipiunt alios & seipsos.

urn:nbn:de:hbz:466:1-36159

PARASTASIS.

Caput. III. Ostendit quod Iudæi sunt cæci.

Domine mi, ualde mirabile est mihi de nobis. Spera-
mus enim quottidie liberationē de captiuitate ista,
& semper de hoc loquimur, & semper loquimur
de reductione nostra in Hierusalē, & ideo sumus cæci, uel
deceptores simpliciū. Nam constat quod post dispersionē
nostrā quæ facta est per Titū, nō apparuit in nobis Pro-
pheta qui nobis promitteret reductionem, nec etiam post
captiuitatem. lxx. annorum fuit Propheta qui loqueretur
de ista captiuitate quæ non habet finē, nisi in fine mundi.
Nec deliberationē habet nisi per consumationem seculi,
quia Daniel illā uocat desolationē sine fine cap. ix. Vnde
timeo, domine mi, quod cum tanta captiuitas non possit
manere super totam Gentem nostram à deo, nisi propter
maximū Peccatū in deum, quod maius est quā interfecisse
Prophetas, & adorasse idola, propter quæ peccata pa-
tres nostri fuerunt puniti. Quod sicut Deus nō miseretur
nostri in uita cum in eodē peccato perseueremus, sic etiā
nec miserebitur mortuis ex nobis. Attamen sumus dei in
omni euentu qui euenit.

Caput. V. Quod Iudæi decipiunt alios & seipsos.

Domine mi, uidetur quod decipiamus alios & nos
ipsos, quia in libris Legum & Prophetarū habē-
mus deum promittentem nostræ genti liberationē
& congregationē de dispersione multipliciter. Sed bene
aduertēti omnes promissiones quas habuimus, uel fuerūt
A s cōpletæ

V E R I M E S S I A E

complete ante captiuitatē .lxx. annorū, & in ipsis .lxx. annis. Vel promissiones fuerunt propter Peccata illorum quibus promissiones sunt totaliter impeditæ, sicut propono coram te, domine mi. Exēpli gratia. Ista pauca dicuntur in Ezechiele. Si feceritis iustitias meas, & mandata mea seruaueritis, congregabo uos de quatuor partibus mundi, & leuabo uos, & adducam uos per mare, & reducā uos in domum sanctam uestrā. Ecce quod id quod dominus nobis promittit per Ezechielem in prædictis uerbis, & alijs locis libri eiusdē prophetæ, iam completū est pluries ante illam captiuitatē .lxx. annorū. Vt omnes promissiones domini tales maiores & minores, quæ in diuersis locis sacrorum librorum continentur, complete fuerunt antequam caderemus in istam ultimā captiuitatē, quæ nō habet finē, modo iam sumus in millesimo anno, & ultra nec in aliquo libro Prophetarū eius terminū inuenimus, nec ulla Dei promissio ubi agit de liberatione & congregatione, intelligitur de ista captiuitate perpetua, sed de illis tribulationibus & dispersionibus, antedictos .lxx. annos, nec postea cōgregatio de dispersione promissa est nobis. Vnde oportet quod post istos .lxx. annos cōmiserimus illud Peccatum magnum, propter quod Deus sine termino punit nos, in quo Peccato sumus & manemus omnes, aliter Deus misericordiam suam non continuasset in nobis ira tam longa. Nam uidemus per scripturas quod omnia Peccata quæ cōmiserunt Patres nostri ante .lxx. annos prædictæ captiuitatis punita fuerunt, & de multis exempla hæc pauca induco.

P A R A S T A S I S.

induco. Peccauerunt Patres nostri ante .lxx. annos qui ex-
 iuerunt de Aegypto, et promissio eis facta, in eis locū non
 habuit, sed in peccatis suis in deserto mortui sunt. Pecca-
 uit ipse Moyses ad aquas contradictionis, et terrā promiss-
 ionis non meruit. Peccauit ipse Aarō & portauit pœnā.
 Helij sacerdos peccauit, & ruptis ceruicibus expirauit,
 & posteritas eius sacerdotio priuata est, & tamen Deus
 promiserat sacerdotiū in eternū. Sed huiusmodi promiss-
 sa intelliguntur semper, nisi propter peccata demerean-
 tur accipere, ut patet in regno Dauid, quod carnalis poste-
 ritas eius priuata est regno. Sicut etiā Deus uerus & glo-
 riosus promisit Abraham & semini suo terrā illam in eter-
 num possidendā, & frequenter perdidit eam propter
 Peccata sua, & frequenter restituit illis dominus usq; ad
 ultimam uicem qua perdidit. Iam sunt mille anni, &
 ultra, & iam non est spes recuperandi eā, quia manemus
 omnes in eodē Peccato, propter quod terram nostrā perdi-
 dimus. Et domine mi, multum mirabile est cum omnes cō-
 cordemus quod oportet quod post captiuitatem .lxx. anno-
 rum in Babylonia peccauius cōtra Deū maximo Pecca-
 to, & tamē nullus est qui dicat, quod est id Peccatū pro-
 pter quod incurrimus tanta mala. Et si aliquis nostrum
 cognoscat nostrā caussam, & Peccatū propter quod in-
 currimus tanta mala, nullus tamē id aperit proximo suo,
 nec ipsemet qui cognoscit in suam conuertit utilitatem,
 sed omnes iacemus prostrati, & uidemus manifeste quod
 in prædicta captiuitate .lxx. annorum erat Deus cum pa-
 tribus

V E R I M E S S I A E

patribus nostris in Prophetis, id est, Hieremia, & alijs
 Prophetis, & dedit eis Salathiel ducem & principes &
 sacerdotes, cum quibus exiuerunt de Babylone, peracta
 pœnitentia, & placato Deo edificauerunt Hierusalē, &
 templū, & alias ciuitates, & effudit Deus super illos mi-
 sericordias suas copiose. Et tamē in ista captiuitate nullus
 Prophetā nobiscū est, nec Deus, ut apparet. Igitur domi-
 ne, inquirā & non cessabo querere quod Peccatū est id
 tantū, propter quod sumus in hac captiuitate mille annis,
 & ultra, nec habemus Prophetā, nec regē, nec sacerdotē,
 nec altare, nec sacrificiū, nec unctionem, nec incensum,
 nec purificationem, immo facti sumus ab ominabiles toti
 mundo, sicut Deo, & contemptibiles, in solo corde tan-
 tū nostro regnat superbia, qua nos ipsos præferimus toti
 mundo. Et quod super hoc sentio pandā tibi, domine mi.
 Nec minus, quicquid eueniat nos Dei sumus.

Caput. VI. Quod sit illud Peccatum propter quod Iudei
 sunt in hac captiuitate.

Nunc ergo, domine mi, paueo quod id Peccatū pro-
 pter quod sumus in hac desolatione, & in captiui-
 tate ista, sit illud Peccatum super quo locutus est
 Deus per Prophetā Amos. ij. cap. cum dicit sic. Super tri-
 bus sceleribus Iuda conuertam * uel transferam * Israel *
 Nota quod ubi in Biblia nostra est conuertam, hic habet
 transferā, et est ad propositū eius magis * et super quarto
 non transferam eos, quoniam uendiderunt iustum pro
 argento.